



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 1. Magnitudo & certitudo promissionum Dei.

[urn:nbn:de:hbz:466:1-50333](#)

cet quam sperare & possessionem bonorum omnium exspectare ab unius Dei magnificencia. Et ut dicam quod sentio, eos solos homines aestimo qui huiusmodi spem habent, qui vero ea sunt destituti, non mihi vindicantur inter homines numerandi, utpote qui nihil habeant naturae rationali proprium. Et re ipsa, postquam Scriptura sacra de sanctissimo hoc Patriarcha dixisset; *iste cœpit invocare nomen Domini*, continuo subdit: Hic est liber generationis hominum; scriptum est enim, quod ille solus homo est qui sperat in Deo solo. Iste est discursus Philonis cui quod adam hac super re nihil habeo.

CAPUT II.

Secundum motivum Fiduciae in Deum, sumitur ex fidelitate Dei in suis promissis.

§. I.

Magnitudo & certitudo Promissionum Dei.

Alterum fiduciæ motivum, quam habere nos oportet tamquam filios erga Patrem nostrum cœlestem, sumitur ex infallibili fidelitate amplissimarum promissionum quibus suam nobis fidem divinaque dedita



dicta Deus obligat, ita ut si speremus in ipsū quemadmodum ipse nobis præcipit, firmā cum persuasione, quidquid tandem eveniat, nunquam nos ab illo deserendos, immō potius bonis omnibus, gaudio ac solatio mediis etiam in miseriis cumulandos, id quod solū desiderare possumus, si quem forte in locum devenimus, in quo videamur nihil nisi afflictiones experturi: fidelis inquam Deus oppignorat dicta sua adeo ut infallibiliter visuris, votis nostris ac desideriis omnique spei satisfactum aburide. Neque id semel atque iterum afferit duntaxat, sed centies etiā saepiusque repetit. Nec satis illi est simpliciter promittere aut iterare aliquoties promissionem suam sed ita asseverat ut juramento quoque iterato confirmet, quemadmodum videre est apud S. Joannem cap. 14. *Amen Amen dico vobis qui credit in me, opera qua ego facio & ipse faciet & maiora horum faciet.* Quod paulò post declarans bis iisdem verbis promittit sese facturum, quodcumque quis petierit in nomine ejus. Et apud S. Marcum: *Omnia possibilia sunt credenti. Sed quia hæ propositiones generaliores sunt, ad particularia magis descendit, & inter alia adducit admirandum fiduciae virtutis exemplum in his apud Matthæum & Marcum verbis: Amen dico vobis*

bis, quia quicunque dixerit huic monti. Tollere & mittere in mare, & non habet avertiri corde suo, sed crediderit, quia quodcunque dixerit, fiat, fiet ei, & nihil impossibile erit credenti. Quod si quis fidens Deo, potest virtute fidei ac fiduciæ transferre montes de loco in locum, quidni poterit ejusdem fidei efficacia & spe infallibilis auxilijs quod promisit Deus tanta asseveratione, aut imminens evadere periculum, aut optatum intricati negotij obtinere successum, aut qua forte premitur, sublevare necessitatem? Qui tantummodo legeri scripta Prophetarum atque in primis plāmos 29.30. & 124. videbit quantopere Deus se obliget ijs qui sperant in eo, & obstupefecit attendens admirabilem loquendi modum, quo Deus hac super re uititur. Non igitur dubitare de hac veritate magis possumus, quam de vita nostrā atque ipsiusmet Dei, & de principijs fidei principijs ab ipso nobis revelatis. Hinc abundantius volens Deus ostendere pollicitationis heredibus immobilitatem consilij sicut Apostolus ad Hebræ. 6. interposuit iurandum: ut per duas res immobiles quibus impossibile est mentiri Deum, fortissimum solatum habeamus qui confugimus ad tenendam propria spem. ut nec timere, nec hæsitare umquam possimus quidquid deum accidat, hoc



hoc quasi dupli tecti munimine, contra omnes impetus atque hostiles assultus creaturarum. Hoc sensu loquitur Regius vates: *Scuto circumdabit te veritas ejus.* Quasi dicat quocunq; te verteris promissis divinis semper eris coronatus ac munitus velut clypeo telis omnibus ac iecibus impervio, illaque poteris si volueris repellere; quod si pati malueris, nunquam afflictiones, quascunque creature minari videbuntur, tantæ erunt quin promissa nobis à Deo felicitas, quâ de illis gloriose triumphabimus, etiam cum videbimus illis succubituri, longè sit futura major. Ad hunc excelsum perfectionis apicem ascendit insignis Dei famulus Joannes Ximenes Societatis nostræ Religiosus, de quo narratur quod tantâ fuerit prædictus fiduciâ in bonitate & fidelitate Dei ut in omnibus & per omnia huic uni se totum committeret, nusquam aliò respiceret in quibuscunque eventibus, nullum aliud iicutum opponeret quibuslibet creaturarum incursibus, quâm divinarum promissionum, quas de perpetuâ suâ protectione Deus illi fecerat inviolabiliter servaturus.

L. q. 11

§. II.